

სახელმწიფო შესყიდვის
ხელშეკრულება
№2295/36

ქ. თბილისი

22 აპრილი 2013წ.

ვხელმძღვანელობთ რა საქართველოში მოქმედი კანონმდებლობით, ერთის მხრივ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში - შემსყიდველი), წარმოდგენილი მინისტრის პირველი მოადგილის გოგი ფაცაციას სახით და შპს „საქართველოს გაერთიანებული წყალმომარაგების კომპანია“, (შემდგომში „მიმწოდებელი“), წარმომადგენილი დირექტორის პირველი მოადგილის გიორგი ქუთათელაძის სახით მეორეს მხრივ (შემდგომში - მხარეები), ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომში - „ხელშეკრულება“) - შემსყიდველ ორგანიზაციასა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე დართული ყველა დოკუმენტით, რომლებზეც ხელშეკრულებაში არის მინიშნებული;
- 1.2. შემსყიდველი ორგანიზაცია (შემდგომში „შემსყიდველი“) - დაწესებულება, რომელიც ახორციელებს შესყიდვას;
- 1.3. მიმწოდებელი ორგანიზაცია (შემდგომში „მიმწოდებელი“) - მომსახურების მიმწოდებელი, რომელიც ამ ხელშეკრულების ფარგლებში ახორციელებს მომსახურების გაწევას;
- 1.4. ხელშეკრულების ღირებულება - ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს, თუ ხელშეკრულებით სხვა პირობა არ არის გათვალისწინებული;

მუხლი 2. ხელშეკრულების საგანი

- 2.1. ხელშეკრულების საგანს წარმოადგენს შემსყიდველის მიერ დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტებში (შემდგომში - ობიექტი) სასმელი წყლის მიწოდების სახელმწიფო შესყიდვა (CPV 65110000 „სასმელი წყლის განაწილება“) „საქართველოს 2013 წლის სახელმწიფო ბიუჯეტის შესახებ“ საქართველოს კანონის 31-ე მუხლის მე-2 პუნქტის და საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის №43 ბრძანების მოთხოვნების შესაბამისად, „საქართველოს 2013 წლის სახელმწიფო ბიუჯეტის შესახებ“ საქართველოს კანონით გამოყოფილი ასიგნებების ფარგლებში;
- 2.2. განსახორციელებელი სახელმწიფო შესყიდვის მოცულობას განსაზღვრავს შემსყიდველი, დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტებში რეგისტრირებული ბენეფიციარების რაოდენობის მიხედვით, ყოველთვიურად, თითოეული კონკრეტული ობიექტის მიხედვით. აღნიშნული საკითხის ხელშეკრულების შემადგენელ ნაწილად გადაქცევა საჭიროებს მიმწოდებლის წერილობით თანხმობას;
- 2.3. 2013 წლის 1 იანვრის მდგომარეობით დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტებში რეგისტრირებული ბენეფიციარების რიცხოვნობა მოცემულია წინამდებარე ხელშეკრულების დანართი N3 (დანართი N3 - 7 ფურცელი), რომელიც წარმოადგენს წინამდებარე ხელშეკრულების განუყოფელ ნაწილს და ძალაშია ამ ხელშეკრულებასთან ერთად;

მუხლი 3. ხელშეკრულების ღირებულება

- 3.1. 2013 წლის განმავლობაში მომსახურების მიწოდების საერთო სავარაუდო ღირებულება შეადგენს 251 673 (ორასორმოცდათერთმეტიათას ექვსასსამოცდაცამეტი ლარი) ლარს, საქართველოს კანონმდებლობით დადგენილი შესაბამისი გადასახადების, მოსაკრებლების და მოქმედი კანონმდებლობით დადგენილი გადასახდელების ჩათვლით;
- 3.2. გაწეული მომსახურების ანზღაურება ხორციელდება დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტებში რეგისტრირებული ბენეფიციარების რიცხოვნობის მიხედვით, ყოველთვიურად, შემსყიდველის მიერ 2013 წლის ყოველ კონკრეტულ თვეში დაზუსტებული ბენეფიციარების სახელობითი სიების შესაბამისად, რომელიც თან ერთვის წინამდებარე ხელშეკრულებას და რომელიც ავტომატურად ხდება მისი განუყოფელი ნაწილი;
- 3.3. წინამდებარე ხელშეკრულებით გათვალისწინებული გადასახდელი თანხების ოდენობა გამოიანგარიშება ყოველთვიურად, ამ ხელშეკრულების დანართით N2 (დანართი N2 - 7 ფურცელი) განსაზღვრული ტარიფის

გადამრავლებით შემსყიდველის მონაცემების საფუძველზე დადგენილი დევნილების, ლტოლვილისა და ჰუმანიტარული სტატუსების მქონე პირების რიცხოვნობაზე, ხოლო გადახდა - გაწეული მომსახურების თანხმად შედგენილი მიღება-ჩაბარების აქტის და მოქმედი კანონმდებლობით დადგენილი სხვა შესაბამისი დოკუმენტაციის წარმოდგენის შემდეგ, 20 (ოცი) სამუშაო დღის ვადაში.

3.4. შემსყიდველის მიერ 2013 წლის იანვრის, თებერვლის და მარტის თვეების მონაცემების მიხედვით, ორგანიზებულად განსახლების ობიექტებში რეგისტრირებული დევნილების, ლტოლვილებისა და ჰუმანიტარული სტატუსების მქონე პირების რიცხოვნობა და სახელობითი სიები წარმოდგენილია წინამდებარე ხელშეკრულების დანართებში (დანართი N4 - 6 ფურცელი, დანართი N5 - 7 ფურცელი და დანართი N6 -7 ფურცელი), რომლებიც წარმოადგენს წინამდებარე ხელშეკრულების განუყოფელ ნაწილს და ძალაშია მხოლოდ ხელშეკრულებასთან ერთად;

მუხლი 4. მხარეთა უფლება-მოვალეობანი

4.1. „მიმწოდებელი“ ვალდებულია 2013 წლის 1 იანვრიდან 2013 წლის 31 დეკემბრის ჩათვლით განახორციელოს წინამდებარე ხელშეკრულების მე-2 მუხლით გათვალისწინებული მომსახურებების გაწევა. იგი პასუხისმგებელია გაწეული მომსახურების ხარისხზე და დროულობაზე, პასუხს აგებს და სრულად უნაზღაურებს „შემსყიდველს“ მისთვის მიყენებულ ზარალს;

4.2. „მიმწოდებელი“ პასუხს აგებს მოქმედი კანონმდებლობით გათვალისწინებული გადასახადების, მოსაკრებლების და სხვა გადასახდელების დროულ და უპირობო გადახდაზე;

4.3. მიმწოდებელი იძლევა გარანტიას, რომ მის მიერ გაწეული მომსახურება არ გამოავლენს ხარვეზებს და შესრულებული იქნება მახალხარისხოვნად, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზის გამოსწორება.

4.4. „შემსყიდველი“ ვალდებულია მიმწოდებლის მიერ ხელშეკრულებით ნაკისრი და შესრულებული ვალდებულებები აანაზღაუროს სრულად;

4.5. „შემსყიდველი“ არ აგებს პასუხს „მიმწოდებლის“ მიერ მესამე პირის მიმართ ნაკისრ ვალდებულებებზე, მესამე პირისათვის მიყენებულ ზიანზე ან/და ზარალზე.

მუხლი 5. მომსახურების მიღება-ჩაბარების წესი და მიწოდების ადგილი

5.1. მომსახურება მიწოდებულად ჩაითვლება შესაბამისი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული შესაბამისი დოკუმენტაციის წარმოდგენის შემდეგ;

5.2. მომსახურების გაწევის ადგილია წინამდებარე ხელშეკრულების დანართში N3 მითითებული დევნილთა, ლტოლვილისა და ჰუმანიტარული სტატუსების მქონე პირთა ორგანიზებულად განსახლების ობიექტები.

მუხლი 6. ხელშეკრულები სინსპექტირების პირობები

6.1. „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს საქონლის შესყიდვის მიმდინარეობის შესაბამისობის შემოწმება ხელშეკრულებით გათვალისწინებულ მოთხოვნებთან;

6.2. „შემსყიდველის“ მხრიდან ხელშეკრულებით გათვალისწინებული მოთხოვნების შესაბამისობის ინსპექტირებას და მიღება-ჩაბარების აქტზე ხელისმოწერას განახორციელებს სამინისტროს მიერ განსაზღვრული უფლებამოსილი პირი;

6.3. შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ აცნობებს მიმწოდებელს წუნდების მიზეზების მითითებით, ხოლო გამოვლენილი დაზიანების ან ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

მუხლი 7. გაწეული მომსახურების ხარისხი და გარანტია

7.1. „მიმწოდებელი“ იძლევა გარანტიას, რომ მის მიერ გაწეული მომსახურება იქნება მაღალხარისხიანი, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს გამოვლენილი ხარვეზების აღმოფხვრა

მუხლი 8. ანგარიშსწორების ფორმა, გრაფიკი (ვადები) და ადგილი

8.1. ანგარიშსწორება მიმწოდებელთან განხორციელდება ლარებში.

8.2. ანგარიშსწორება მოხდება ყოველთვიურად, საანგარიშსწორებო პერიოდში სამინისტროში რეგისტრირებულ დევნილთა რიცხოვნობის შესაბამისად.

8.3. ანგარიშსწორების ფორმა იქნება უნაღდო. გადარიცხვა მოხდება მიმწოდებლის საბანკო ანგარიშზე.

8.4. ანგარიშსწორება განხორციელდება “2013 წლის საქართველოს სახელმწიფო ბიუჯეტის შესახებ” საქართველოს კანონის 31-ე მუხლის მე-2 პუნქტით გათვალისწინებულ ასიგნებათა ფარგლებში, სამინისტროს მონაცემთა ბაზაში არსებული დევნილთა რაოდენობის შესაბამისად 2013 წლის 1 იანვრიდან.

8.5. მომსახურების მიწოდების ანაზღაურება განხორციელდება ეტაპობრივად, მომსახურების მიწოდების შემდეგ შედგენილი „მიღება-ჩაბარების“ აქტის გაფორმების და მოქმედი კანონმდებლობით გათვალისწინებული შესაბამისი დოკუმენტაციის წარმოდგენის შემდეგ, 20 სამუშაო დღის ვადაში;

8.6. ანაზღაურების ადგილია ქალაქი თბილისი.

მუხლი 9. ფასები

9.1. წინამდებარე ხელშეკრულების მე-3 მუხლში დაფიქსირებული მომსახურების ფასი წარმოადგენს ხელშეკრულების ღირებულებით პარამეტრს და მისი ცვლილება შესაძლებელია მხოლოდ საქართველოში მოქმედ კანონმდებლობაში განხორციელებული შესაბამისი ცვლილებების შედეგად.

მუხლი 10. ხელშეკრულებაში ცვლილებების შეტანა

10.1. ხელშეკრულების დამდებ არც ერთი მხარეს არა აქვს უფლება ცალმხრივად შეცვალოს ხელშეკრულების პირობები;

10.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ერთი თვით ადრე წერილობით შეატყობინოს მეორე მხარეს შესაბამისი ინფორმაცია. ამავედროს, „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულება იმ გარემოებებთან დაკავშირებით, რის გამოც წარმოიშვა ხელშეკრულების პირობების შეცვლის აუცილებლობა;

10.3. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის (შეთანხმების) სახით, რომელიც ჩაითვლება ხელშეკრულების განუყოფელ ნაწილად.

მუხლი 11. უფლებების გადაცემა

მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

მუხლი 12. ფორს-მაჟორი

წინამდებარე ხელშეკრულების პირობების მოქმედების შეჩერება ფორს-მაჟორული გარემოებების (საქართველოში მოქმედი კანონმდებლობის შესაბამისად) დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

მუხლი 13. მხარეთა პასუხისმგებლობა ხელშეკრულების პირობების დარღვევისათვის

13.1. წინამდებარე ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების შედეგად მიყენებული ზარალისთვის მხარეები ერთმანეთის წინაშე პასუხს აგებენ მოქმედი კანონმდებლობის შესაბამისად.

13.2. ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს დაეკისრება პირგასამტეხლოს გადახდა ყოველ ვადაგადაცვილებულ დღეზე ხელშეკრულების საერთო ღირებულების 0.1 % - ის ოდენობით.

მუხლი 14. ხელშეკრულებიდან გასვლა

14.1. ხელშეკრულება შეწყვეტილად ჩაითვლება „საქართველოს ოკუპირებული ტერიტორიებიდან იძულებით გადაადგილებულ პირთა – დევნილთა შესახებ“ საქართველოს კანონის მე-5³ მუხლით გათვალისწინებულ, კომპაქტური განსახლების ობიექტებიდან დევნილთა გამოსახლების შემთხვევაში.

14.2. ხელშეკრულება შეწყვეტილად ჩაითვლება “ საქართველოს ოკუპირებული ტერიტორიებიდან იძულებით გადაადგილებულ პირთა – დევნილთა შესახებ” საქართველოს კანონის მე-5³ მუხლის მე-2 პუნქტის “ა” ქვეპუნქტით გათვალისწინებულ, კომპაქტური განსახლების ობიექტებიდან დევნილთა გამოსახლების შემთხვევაში დევნილთან შესაბამისი წერილობითი შეთანხმების დადებისთანავე.

14.3. “მიმწოდებელი” ვალდებულია “14.1.” და „14.2“ პუნქტით გათვალისწინებული გარემოებების მოსალოდნელი დადგომის შესახებ აცნობოს “შემსყიდველს” არაუგვიანეს ორი კვირით ადრე.

14.4. თუ ხელშეკრულების ღირებულებითი პარამეტრების მნიშვნელოვანი ცვლილება აუარესებს მიმწოდებელი ორგანიზაციის მდგომარეობას, რომელიც გამოწვეულია საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის №43 ბრძანებაში ცვლილების შეტანით ან სხვა მიზეზით, მიმწოდებელს უფლება აქვს ცალმხრივად მოშალოს ხელშეკრულება.

მუხლი 15. დავების გადაწყვეტის წესი

ხელშეკრულების დამდები მხარეები თანხმდებიან მასზედ, რომ პირდაპირი არაოფიციალური მოლაპარაკებების მეშვეობით მოაგვარებენ მათ შორის წარმოქმნილ ნებისმიერ უთანხმოებას და დავას, ხოლო შეუთანხმებლობის შემთხვევაში მიმართავენ სასამართლოს, საქართველოში მოქმედი კანონმდებლობის შესაბამისად.

მუხლი 16. მომსახურების გაწევის პერიოდი

მომსახურება ხორციელდება 2013 წლის 1 იანვრიდან „საქართველოს 2013 წლის სახელმწიფო ბიუჯეტის შესახებ“ საქართველოს კანონით განსაზღვრული მოთხოვნების სრულად შესრულებამდე, ანუ 2013 წლი 31 დეკემბრის ჩათვლით.

მუხლი 17. ხელშეკრულების მოქმედების ვადა

ხელშეკრულება ძალაშია მისი ხელმოწერიდან და მოქმედებს 2013 წლის 31 დეკემბრის ჩათვლით.

მუხლი 18. სხვა პირობები

18.1. მიმწოდებელი ვალდებულია:

18.1.1. ყოველდღიურად გაუწიოს შემსყიდველს ზემოაღნიშნული მომსახურება ხელშეკრულების პირობების შესაბამისად. იგი პასუხისმგებელია გაწეული მომსახურების ხარისხსა და დროულობაზე.

18.1.2. წარმოადგინოს დოკუმენტაცია სახელმწიფო შესყიდვის ხელშეკრულების გასაფორმებლად, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის N43 ბრძანების მოთხოვნების შესაბამისად;

18.2. მიმწოდებელი ადასტურებს, რომ ხელშეკრულების გაფორმების მომენტისათვის მის მიმართ არ მიმდინარეობს რეორგანიზაცია, ლიკვიდაცია ან/და გაკოტრების საქმე.

18.3. მიმწოდებელი ვალდებულია 1 თვით ადრე წერილობით აცნობოს შემსყიდველს, მისი მოსალოდნელი რეორგანიზაციის ან ლიკვიდაციის შესახებ, აგრეთვე, დაუყოვნებლივ მიაწოდოს ინფორმაცია მის მიმართ მოსალოდნელი გაკოტრების საქმის დაწყების თაობაზე.

18.4. წინამდებარე ხელშეკრულებით მიღებული თანხის კანონიერ ხარჯვაზე, აგრეთვე, “18.2”, “18.3.” და “14.1” პუნქტებით განსაზღვრული ინფორმაციების დროულ მიუწოდებლობაზე მთელი პასუხისმგებლობა ეკისრება “მიმწოდებელს”.

18.5. “საქართველოს 2013 წლის სახელმწიფო ბიუჯეტის შესახებ” საქართველოს კანონის 31-ე მუხლის მე-2 პუნქტის და საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა მინისტრის 2013 წლის 26 თებერვლის №43 ბრძანების ნაბეჭდი ტექსტები წარმოადგენს წინამდებარე ხელშეკრულების დანართს N1 (დანართი N1 – 3 ფურცელი) და არის მისი განუყოფელი ნაწილი.

18.6. ხელშეკრულება შედგენილია ქართულ ენაზე 3 ეგზემპლარად და სამივეს აქვს თანაბარი იურიდიული ძალა.

მუხლი 19. მხარეთა იურიდიული მისამართები და რეკვიზიტები

შემსყიდველი

საქართველოს ოკუპირებული ტერიტორიებიდან
იძულებით გადაადგილებულ პირთა, განსახლებისა და
ლტოლვილთა სამინისტრო
ს. კოდი 200037646
მის: ქ. თბილისი თამარაშვილის 15ა
ტელ: 2 31 15 80
სახელმწიფო ხაზინა
ბ. კოდი 220101222
ა/ა 200122900

მიმწოდებელი:

შპს „საქართველოს გაერთიანებული
წყალმომარაგების კომპანია“
ს. კოდი -412670097
მისამართი ქ.თბილისი, ვაჟა-ფშაველას
გამზ.76ბ.
ტელ: 2 91 90 60
ბანკის დასახელება სს „ლიბერთი ბანკი“
SWIFT: LBRTGE22

ა/ა GE77LB0113123325230012

მინისტრის პირველი მოადგილე
გოგი ფაცაცია



დირექტორის პირველი მოადგილე
გიორგი ქუთათელაძე